

1421 juni 8, AKDOG 689, regeſt 191, afschrift CvB

Archief CvB 430 f26,f27v; afschrift van AKDOG 689, regeſt 191, dd 8-6-1421
Transcriptie Jan Timmers

Uitgifte in erfpacht van de Neerakker aan de Oudeſtraat aan Jacob Gevertszoon Strijboſch

Wy Dierck Loyen neve, Anſem Goeſſenſſn, Johan Gevertszoen, Melis van der Hoſtadt, Maes Maeſſoen van Haſelboſche, Wynric Geretſſoen vander Vondervoert, ende Anſem vander Heelderdonck ſcepen in Gemert, doen condt eenen iegelycken dat voer ons is geſtaen, den eerbaer geestelycken in goede ons lieve ende gemynde heer, heer Ywaen van Cortenbach lantcommendeur der balyen vanden Bijeſſen, Duyts Ordens, heer des dorps van Gemert ende heeft verleent, vuytgegeven ende erffelyck verpacht Jacop Gevertszoen van Strijboſch een ſtuck lants geheijten den Nederen Ecker, die gelegen is in die palen van Gemert neven erffenis metten eenre syden den Dribbeleyschen wech ende metten anderen syde neven den Heggrave, ende voert aen neven erffeniſſen Gorts van Gemert, ende der kynderen Gevertsz van Strijboſche als sy ſede. met allen ſynen toebehoerten dats te weten omme twe mudden rogs jaerlycx ende erffelycx pachs der maeten van Gemert. Alle jaer op onſer vrouwen lichtmiſdach den voerſz verpechter vanden vrsz pechter te gelden erffelyck ende te betaelen ende opten huijſe tot Gemert opten choeren ſulre aldaer te cuſſen ende te leveren. Voert ſoe geloeft die verpechter vrsz den voerſz pechter deſe voerſcreven erffeniſſe met deſen vrsz twe mudden rogs erffpachts ende van alle anderen oncommer daer in weſende te vrijen erfelycken ende te weren. Ende Jacop die pechter voerſz heeft weder geloeft als principael ſchulder den voerſcreven verpechter deſe vrsz twe mudden rogs vuyt voerſcreven erffeniſſe met allen hoeren toebehoerten gelyc voerſcreven is te gelden erffelycke ende te betaelen. Bezegelt metten gemeynen zegel ons ſcependomps van Gemert. Inden jaer ons heeren duijſent vierhondert twentich ende een, opten achten dach in junio.